



Broj: 02-05-3387-7/07

Sarajevo, 02.03.2007. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo donijela je, na Drugoj sjednici održanoj 02.03.2007. godine, sljedeći

ZAKLJUČAK

1. Utvrđuje se Program mjera za podsticanje i održavanje više stope zaposlenosti i poboljšanje strukture zaposlenih u 2007. godini u Kantonu Sarajevo.
2. Odobravaju se JU "Služba za zapošljavanje Kantona Sarajevo" Sarajevo sredstva u iznosu 1.150.000,00 KM za realizaciju projekata, u skladu sa Finansijskim planom prihoda i izdataka JU "Služba za zapošljavanje Kantona Sarajevo" Sarajevo, i to:
 - Finansiranje Programa javnih radova 652.000,00 KM
 - Program sufinansiranja zapošljavanja pripravnika sa VSS, SSS i KV stručnom spremom 348.000,00 KM
 - Sufinansiranje zapošljavanja nezaposlenih lica starijih od 45 godina, po projektu SESP – PIU SESER 150.000,00 KM
3. Za realizaciju Programa mjera iz tačke 1. ovog Zaključka zadužuje se JU "Služba za zapošljavanje Kantona Sarajevo" Sarajevo, koja će o provođenju Programa mjera redovno izvještavati Vladu i Skupštinu Kantona Sarajevo.



PREMIJER

Samir Silajdžić
Samir Silajdžić, dipl. pravnik

Dostaviti:

1. Predsjedavajući Skupštine Kantona Sarajevo
2. Ministarstvo za rad, socijalnu politiku, raseljena lica i izbjeglice
3. JU "Služba za zapošljavanje Kantona Sarajevo" Sarajevo
4. Evidencija
5. Arhiva



**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JAVNA USTANOVA
«SLUŽBA ZA ZAPOŠLJAVANJE KANTONA SARAJEVO»
S A R A J E V O**

PROGRAM MJERA

**ZA PODSTICAJ ZAPOŠLJAVANJA I ODRŽAVANJE VIŠE STOPE
ZAPOSLENOSTI U KANTONU SARAJEVO U 2007. GODINI
SA NAČINOM I KRITERIJIMA ZA REALIZACIJU**

Sarajevo, februar 2006. godine

PROGRAM MJERA

za podsticaj zapošljavanja i održavanja više stope zaposlenosti u Kantonu Sarajevo za 2007. godinu sa načinom i kriterijima za realizaciju

I

U cilju smanjenja nezaposlenosti i obezbjeđenja potrebnih kadrova u skladu sa potrebama tržišta rada u toku 2007. godine, preduzimat će se slijedeće mjere i aktivnosti:

1. Finansiranje Programa javnih radova
2. Sufinansiranje zapošljavanja pripravnika sa VSS, SSS i KV
3. Sufinansiranje zapošljavanja nezaposlenih lica starijih od 45 godina po Projektu SESP – PIU SESER

II

OPŠTE ODREDBE

Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo, između ostalog, regulisane su i predviđene obaveze Službe za zapošljavanje Kantona Sarajevo, na utvrđivanju i provođenju mjera za podsticanje zapošljavanja i održavanja više stope zaposlenosti u Kantonu Sarajevo.

Navedene mjere su dio ukupnih aktivnosti, koje se vode sa ciljem smanjenja nezaposlenosti, unapređenja tržišta rada i obezbjeđenja potrebnih kadrova u skladu sa zahtjevima poslodavaca.

1. FINANSIRANJE PROGRAMA JAVNIH RADOVA

U skladu sa Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo, JU «Služba za zapošljavanje Kantona Sarajevo» Sarajevo, će i u 2007. godini organizovati javne radove.

Cilj je da se kroz iste, na dva mjeseca angažuju, najugroženije kategorije lica sa evidencije nezaposlenih (koja su na evidenciju biroa prijavljena prije izlaska Javnog poziva), i na način kako je to izvršeno u 2004. godini, kada su radno angažovana 592 nezaposlena lica, u 2005.godini, kada je angažovano 766 nezaposlenih lica i u 2006. godini kada je angažovano preko 540 nezaposlenih lica.

Cilj Programa

Organizovanje javnih radova u 2007. godini, u skladu sa Programom mjera za podsticanje i održavanje više stope zaposlenosti i poboljšanja strukture nezaposlenih, za cilj ima radno angažovanje najugroženijih kategorija nezaposlenih, u trajanju najmanje dva mjeseca, odnosno, 44 radna dana.

Javni radovi pokazali su se kao najefikasnija mjera socijalne politike u borbi protiv nezaposlenosti, siromaštva i smanjenja socijalnih tenzija u društvu, te je zbog toga Kantonalni zakon o posredovanju u zapošljavanju i socijalnoj sigurnosti nezaposlenih osoba, član 6. predvidio mogućnost obezbjeđenja sredstava za te namjene, kao i mogućnost za njihovo organizovanje i realizaciju.

Nezaposlena lica koja će biti angažovana

Javnim radovima, kao društveno korisnom i neprofitabilnom djelatnošću, koja je prije svega usmjerena na poboljšanje materijalne sigurnosti nezaposlenih osoba, u 2007. godini planira se angažovanje oko 315 nezaposlenih lica na period od dva mjeseca ili 44 radna dana.

Program javnih radova treba da angažuje:

- nezaposlena lica bilo kojeg obrazovnog nivoa, koja su prijavljena na evidenciju nezaposlenih prije objavljivanja Javnog poziva, s tim da se angažuje srazmjern broj žena;
- nezaposlena lica lošijeg socio-ekonomskog statusa, odnosno, osobe čija primanja nisu dovoljna za podmirenje njihovih osnovnih životnih potreba, u skladu sa Zakonom o socijalnoj zaštiti i zaštiti civilnih žrtava rata i zaštiti porodica sa djecom (Službene novine Kantona Sarajevo broj: 16/02)
- nezaposlena lica sa ograničenom radnom sposobnošću

Oblasti u kojima bi se izvodili radovi

Javni radovi bi se izvodili u oblastima :

1. infrastrukture i zaštite okoliša,
2. socijalne i zdravstvene zaštite i zaštite starih i iznemoglih osoba.

Sredstva

U okviru planiranih sredstava, koja za ove namjene iznose 652.000,00 KM, biti će angažovano oko 315 nezaposlenih lica sa evidencije nezaposlenih, s tim da će se za finansiranje radova u oblasti infrastrukture i zaštite okoliša izdvojiti 80% planiranih sredstava, a za radove u oblasti socijalne i zdravstvene zaštite i zaštite starih i iznemoglih osoba 20% planiranih sredstava.

Ponudjenim projektima potrebno je predvidjeti najmanje 65% sredstava za isplate novčanih naknada angažovanim licima, dok ostali troškovi projekta mogu iznositi najviše do 35% vrijednosti projekta.

Sredstva za realizaciju pojedinačnih projekata Javna ustanova «Služba za zapošljavanje Kantona Sarajevo» Sarajevo, će prebaciti na tekući račun poslodavca, otvorenog kod poslovne banke, i to na način da će se unaprijed, za svaki mjesec, poslodavcu akontativno isplatiti 50% sredstava predviđenih za materijalne troškove (uz obavezno pravdanje) kao početni kapital za realizaciju projekta, a preostali dio sredstava, koji se odnosi na novčane naknade angažovanim licima, doznačavat će se na kraju mjeseca, uz prethodno dostavljene spiskove angažovanih lica sa obračunatim dnevnicama.

Poslije isplata naknada za rad i zakonom propisanih doprinosa za angažovana lica, realizator javnih radova dužan je Službi za zapošljavanje Kantona Sarajevo dostaviti adekvatno pravdanje za iste.

Pojedinačne novčane naknade za angažovana lica, bez obzira na stručnu spremu iznose 500,00 KM, s tim da je navedenim iznosom obuhvaćena i naknada za topli obrok i naknada za prevoz.

Rekapitulacija sredstava po jednoj angažovanoj osobi za dva mjeseca:

Bruto naknada po jednom angažovanom licu	1. mjesec	2. mjesec	Ukupno
Naknada za rad, prijevoz i topli obrok	500.00 KM	500.00 KM	1000.00 KM
Porez na dodatna primanja (30%)	150.00 KM	150.00 KM	300.00 KM
Porez za zaštitu od prirodnih i dr.nepog.(0,5%)	2.50 KM	2.50 KM	5.00 KM
Osiguranje za radnike 22 KM	22.00 KM	22.00 KM	44.00 KM
UKUPNO	674.50 KM	674.50 KM	1349.00 KM

Napomena:

U rekapitulaciji sredstava za jednu angažiranu osobu nije iskazana provizija Službe za zapošljavanje Kantona Sarajevo od 1,5% zbog gore navedenog načina plasiranja sredstava za Javne radove.

Realizatori Javnih radova

Kako oblast javnih radova još uvijek nije zakonski uređena, izbor realizatora radova izvršit će se nakon objavljivanja Javnog oglasa, na koji će moći aplicirati svi zainteresirani poslodavci, čija osnovna djelatnost odgovara potrebama radova koji bi se izvodili, a isti su dužni dostaviti predložene projekte na usvajanje.

Aplikacija treba da sadrži:

1. Projekt javnih radova sa:

- a) detaljno opisanim sadržajem javnih radova,
- b) finansijskom konstrukcijom u skladu sa Javnim pozivom,
- c) preciziran broj izvršilaca radova i njihova kvalifikaciona struktura,

2. Ovjerenu kopiju rješenja o registraciji za obavljanje gore navedenih djelatnosti,
3. Ovjerenu kopiju stanja i uspjeha za 2006. godinu,
4. Dokaz o izmirenim obavezama prema javnim prihodima.

Po zatvaranju Javnog poziva , a najdalje u roku od 15 dana, Komisija za praćenje realizacije Projekta javnih radova će na osnovu uvida u aplikacije i unaprijed utvrđene bodovne liste, sačiniti prijedlog pojedinačnih projekata javnih radova u 2007. godini, i isti uputiti Upravnom odboru Javne ustanove «Služba za zapošljavanje Kantona Sarajevo» Sarajevo, na dalje postupanje.

Aktivnosti i međusobni odnosi učesnika u Programu javnih radova

- JU «Služba za zapošljavanje Kantona Sarajevo» Sarajevo, u roku deset dana od usvajanja mjere, objavljuje Javni poziv za realizaciju Javnih radova
- Upravni odbor JU «Služba za zapošljavanje Kantona Sarajevo» Sarajevo, na prijedlog Komisije usvaja projekte i dostavlja ih na saglasnost Vladi Kantona Sarajevo
- Na osnovu date saglasnosti Vlade Kantona Sarajevo, JU «Služba za zapošljavanje Kantona Sarajevo» Sarajevo, u roku četrdeset dana po okončanju Javnog poziva, zaključuje pojedinačne ugovore sa predlagačima projekata te jedan primjerak dostavlja Komisiji za praćenje projekta javnih radova
- JU «Služba za zapošljavanje Kantona Sarajevo» Sarajevo, u skladu sa članovima 9. i 10. Zakona o posredovanju u zapošljavanju Kantona Sarajevo, posreduje pri angažiranju nezaposlenih osoba u realizaciji pojedinačnih projekata, o čemu redovno izvještava Komisiju i upozorava na uočene nepravilnosti
- Komisija za praćenje realizacije Projekta javnih radova prije sačinjavanja konačnih prijedloga za realizaciju pojedinačnih projekata, će sačiniti bodovnu listu, na osnovu koje će se donijeti konačna ocjena o projektima koji će se realizirati , a koja će se smatrati sastavnim dijelom kriterija za ocjenu zahtjeva poslodavaca koji se odnose na program zapošljavanja putem javnih radova
- Komisija za praćenje realizacije Projekta javnih radova će u skladu sa svojim Poslovníkom o radu, pratiti realizaciju usvojenih projekata, obaveznim izlaskom na teren i o tome će izvjesiti Upravni odbor JU «Služba za zapošljavanje Kantona Sarajevo» Sarajevo, i Vladu Kantona Sarajevo, sa aspekta angažovanja nezaposlenih lica i namjenskog utroška sredstava u realizaciji projekata
- Po okončanju programa, Komisija će izvjestiti Upravni odbor JU «Služba za zapošljavanje Kantona Sarajevo» Sarajevo i Vladu Kantona Sarajevo o realizaciji i efektima Programa javnih radova

BODOVNA LISTA ZA OCJENU ZAHTJEVA POSLODAVACA KOJI SE ODNOSU NA PROGRAM ZAPOŠLJAVANJA PUTEM JAVNIH RADOVA

1. Procentualno učešće materijalnih troškova:

- | | |
|-----------------|----------|
| a) do 5% | 5 bodova |
| b) od 5 do 10% | 4 boda |
| c) od 10 do 20% | 3 boda |
| d) od 20 do 30% | 2 boda |
| e) od 30 do 3 % | 1 bod |

2. Angažovana nezaposlena lica:

- a) projekti koji će zaposliti određen broj lica sa ograničenom radnom sposobnošću (3 boda)
- b) projekti koji zapošljavaju srazmjeran broj žena (2 boda)
- c) projekti koji zapošljavaju isključivo mušku radnu snagu (1 bod)

3. Društvena potreba za realizacijom predloženog projekta:

- a) prioritetna potreba za izvođenje radova (2 boda)
- b) postojanje potrebe za izvođenjem radova (1 bod)

2. SUFINANSIRANJE ZAPOŠLJAVANJA PRIPRAVNIKA SA VSS, SSS i KV- STRUČNOM SPREMOM?

U 2004. godini JU «Služba za zapošljavanje Kantona Sarajevo» Sarajevo, pokrenula je aktivnost na realizaciji Programa angažovanja pripravnika sa VSS i VŠS. Programom su bila obuhvaćena 404 pripravnika VSS i VŠS, a po isteku pripravničkog staža, radni odnos na određeno, odnosno na neodređeno vrijeme, zasnovalo je 219 pripravnika.

U 2005. godini JU «Služba za zapošljavanje Kantona Sarajevo» Sarajevo, pokrenula je Program sufinansiranja zapošljavanja pripravnika sa VSS, VŠS i SSS (IV i III stepen), čija je praktična realizacija još u toku. Programom je obuhvaćeno 124 pripravnika sa VSS, 20 sa VŠS i 94 sa SSS (IV i III stepen), a od ovog posljednjeg broja, 49 pripravnika sa SSS (IV i III stepen) po isteku pripravničkog staža, zasnovalo je radni odnos.

Program sufinansiranja zapošljavanja pripravnika sa VSS, VŠS, SSS i KV stručnom spremom iz «Sredstava solidarnosti» Federalnog zavoda za zapošljavanje (čija je praktična realizacija počela u 2006. godini) obuhvatio je 210 pripravnika i to: 78 sa VSS, 16 sa VŠS i 116 sa SSS i KV- stručnom spremom.

Također, u 2006. godini JU «Služba za zapošljavanje Kantona Sarajevo» Sarajevo, od sredstava dodijeljenih od Agencije za rad i zapošljavanje BiH i Federalnog zavoda za zapošljavanje, realizuje Program sufinansiranja zapošljavanja mladih osoba visoke, više,

srednje i KV stručne spreme, bez radnog iskustva u struci, a istim je planirano zapošljavanje 404 pripravnika i to: 229 pripravnika sa VSS, 40 pripravnika sa VŠS i 125 pripravnika sa SSS i KV stručnom spremom.

Usvajanjem rebalansa budžeta JU «Služba za zapošljavanje Kantona Sarajevo» Sarajevo, do kraja 2006. godine biće objavljen Javni poziv za Sufinansiranje zapošljavanja 87 pripravnika i to 69 sa VSS i 18 sa VŠS.

Programima sufinansiranja zapošljavanja pripravnika postignuti su dobri efekti, a iskazan je i veliki interes poslodavaca.

Cilj Programa

U cilju smanjenja nezaposlenosti i obezbjeđenja potrebnih kadrova u skladu sa potrebama tržišta rada, Služba za zapošljavanje će u 2007. godini realizovati Program sufinansiranja zapošljavanja pripravnika sa VSS, SSS i KV stručnom spremom (na period od 12 mjeseci za pripravnike VSS i period od 6 mjeseci za pripravnike sa SSS i KV stručnom spremom), prema iskazanim potrebama poslodavaca koji svoju djelatnost obavljaju u Kantonu Sarajevo.

Pomenutim programom predviđa se zapošljavanje 115 pripravnika i to: 15 pripravnika sa VSS i 100 pripravnika sa SSS i KV stručnom spremom, koji se nalaze na evidenciji nezaposlenih u Kantonu Sarajevo.

Za realizaciju pomenute podsticajne mjere planirana su ukupna sredstva u iznosu od 348.000,00 KM.

JU «Služba za zapošljavanje Kantona Sarajevo» Sarajevo, će poslodavcima koji budu obuhvaćeni Programom i potpišu Ugovor o radu sa pripravnikom, shodno Zakonu o radu u Kantonu Sarajevo, mjesečno (12 mjeseci za VSS i 6 mjeseci za SSS i KV) doznačavati sredstva u ukupnom iznosu od 600,00 KM VSS i 400,00 KM SSS i KV stručnu spremu za isplatu plaća i uplatu zakonom propisanih doprinosa.

Poslodavci i fizička lica koji su koristili kreditna sredstva Federalnog zavoda za zapošljavanje i JU «Služba za zapošljavanje Kantona Sarajevo» Sarajevo, a nisu poštovali svoje obaveze u skladu sa zaključenim ugovorima, (nisu primili radnike ili ne vraćaju redovno anuitete) ne mogu koristiti ova sredstva.

Također, poslodavci koji su koristili sredstva za sufinansiranje zapošljavanja pripravnika, ili su bili korisnici neke druge podsticajne mjere u prethodnom periodu, a otpustili radnike po okončanju mjere, ne mogu učestvovati u Programu sufinansiranja zapošljavanja pripravnika u 2007. godini.

Obaveze poslodavaca

- U roku od 30 dana poslodavac će sa pripravnikom zaključiti Ugovor o radu na određeno vrijeme, odnosno na onoliko vremena koliko traje period sufinansiranja (12 mjeseci za VSS i 6 mjeseci za SSS i KV),
- Zadržati sufinansiranu osobu u radnom odnosu do kraja sufinansiranog perioda,
- Zadržati u radnom odnosu isti broj radnika koji je zatečen u periodu od podnošenja zahtjeva do isteka roka sufinansiranja,
- Isplatiti pripravniku neto platu u skladu sa unutrašnjim pravilnikom i aktima, i izvršiti uplatu zakonom propisanih doprinosa (penzijsko-invalidskog osiguranja, zdravstvenog osiguranja i osiguranja za slučaj nezaposlenosti),

- U roku od sedam dana obavijestiti JU «Službu za zapošljavanje Kantona Sarajevo» Sarajevo, o svakoj promjeni koja se može odraziti na izvršenje ugovornih obaveza potpisnika ugovora.

Isplata sredstava poslodavcu

Po potpisu ugovora o sufinansiranju, sredstva se refundiraju na kraju mjeseca uz prethodno predočene dokaze poslodavca o isplaćenim plaćama za sufinansirane pripravnike, kao i dokaze o uplati obavezujućih poreza i doprinosa.

Posebne napomene

Na osnovu dosadašnjih iskustava u provođenju Programa sufinansiranja zapošljavanja pripravnika, a u cilju efikasnosti i dosljednosti realizacije Programa, JU «Služba za zapošljavanje Kantona Sarajevo» Sarajevo, uz suglasnost Komisije za praćenje realizacije angažovanja pripravnika može:

- ukoliko poslodavac kojem je odobreno sufinansiranje zapošljavanja pripravnika, odustane od realizacije Ugovora, potpisati ugovor o sufinansiranju sa poslodavcem koji je aplicirao na Javni poziv, a prvobitno mu nije bilo odobreno sufinansiranje, ili potpisati ugovor sa poslodavcem kojem je već odobren prijem pripravnika
- raskinuti ugovor o sufinansiranju zapošljavanja pripravnika sa poslodavcima koji u roku od 60 dana ne izvrše prijem pripravnika, osim poslodavaca koji prijem pripravnika vrše na osnovu Zakona o državnim službenicima, odnosno preko Agencije za državnu službu
- raskinuti ugovor o sufinansiranju sa poslodavcima koji se ne pridržavaju ugovorom preuzetih obaveza, a pripravnika zaposliti kod drugog poslodavca koji učestvuje u programu ili kod poslodavca koji ne učestvuje u programu (u slučaju da poslodavci koji učestvuju u programu ne žele preuzeti pripravnika)
- omogućiti zapošljavanje novog pripravnika ako po programu zaposleni pripravnik samoinicijativno raskine ugovor o radu sa poslodavcem, a u skladu sa preostalim raspoloživim finansijskim sredstvima.

Slijed postupaka

1. Javna ustanova «Služba za zapošljavanje Kantona Sarajevo» Sarajevo, objavljuje Javni poziv za realizaciju Programa sufinansiranja zapošljavanja pripravnika sa VSS, SSS i KV stručnom spremom, na koji će moći aplicirati svi zainteresovani poslodavci koji svoju djelatnost obavljaju u Kantonu Sarajevo.

Javni poziv se objavljuje u dnevnim novinama «Dnevni avaz», te na WEB stranici Službe za zapošljavanje

2. Zahtjevi sa potrebnom dokumentacijom, podnose se neposredno ili preporučeno putem pošte Javnoj ustanovi «Služba za zapošljavanje Kantona Sarajevo» Sarajevo, Đoke Mazalića broj 3 sa napomenom, za Program sufinansiranja zapošljavanja pripravnika sa VSS, SSS i KV stručnom spremom.
3. Zaprimljeni zahtjevi prosljeđuju se Sektoru za posredovanje u zapošljavanju, gdje se kontrolišu i pripremaju za Stručnu komisiju.
4. Stručna komisija vrši vrednovanje i selekciju, te sačinjava listu prioriteta sa prijedlogom za odobravanje i sufinansiranje, koju dostavlja Upravnom odboru Službe za zapošljavanje na dalje postupanje.
5. Na osnovu pozitivne odluke Upravnog odbora i saglasnosti Vlade Kantona Sarajevo, u roku 40 dana od okončanja Javnog poziva, Služba za zapošljavanje sklapa Ugovor o sufinansiranju sa poslodavcem.
6. Kompletan tok realizacije Programa sufinansiranja zapošljavanja pripravnika sa VSS, SSS i KV stručnom spremom u Kantonu Sarajevo, prati stručna Komisija imenovana od strane Upravnog odbora Javne ustanove «Služba za zapošljavanje Kantona Sarajevo» Sarajevo, uz administrativno-tehničku potporu Stručne službe.

Komisija će raditi na osnovu Poslovnika o radu i kriterija za realizaciju Programa sufinansiranja zapošljavanja pripravnika.

Kriteriji za vrednovanje i selekciju zahtjeva poslodavaca koji se odnose na Program sufinansiranja zapošljavanja pripravnika

U Programu sufinansiranja zapošljavanja pripravnika mogu učestvovati:

1. Poslodavci koji blagovremeno podnesu zahtjev i prilože svu traženu dokumentaciju po objavljenom Javnom pozivu, organi uprave, odnosno državne institucije koje blagovremeno podnesu zahtjev bez obzira na dostavljenu dokumentaciju (jer iste posluju preko trezora),
 2. Poslodavci koji pozitivno posluju i redovno izmiruju obaveze prema javnim prihodima, a djelatnost obavljaju u Kantonu Sarajevo.
1. Djelatnost:
 - a) proizvodna djelatnost..... 4 boda
 - b) ostale djelatnosti..... 2 boda
 2. Poslodavci koji zapošljavaju:
 - a) pripravnike suficitarnih zanimanja (prema evidenciji Službe)..... 3 boda
 - b) pripravnike ostalih zanimanja1 bod
 3. Poslodavci koji su bili korisnici navedenih mjera i koji su po isteku pripravničkog staža zadržali pripravnike u radnom odnosu..... 2 boda

4. Poslodavci i fizičke osobe koji su koristili kreditna sredstva Federalnog zavoda za zapošljavanje i JU «Služba za zapošljavanje Kantona Sarajevo» Sarajevo, a nisu poštovali svoje obaveze u skladu sa zaključenim ugovorima (nisu primili radnike ili ne vraćaju redovno anuitete) ne mogu koristiti ova sredstva.

Također, poslodavci koji su koristili sredstva za sufinansiranje zapošljavanja pripravnika ili su bili korisnici neke druge podsticajne mjere u prethodnom periodu, a otpustili radnike po okončanju mjere, ne mogu učestvovati u Programu sufinansiranja zapošljavanja pripravnika u 2007. godini.

3. SUFINANSIRANJE ZAPOŠLJAVANJA NEZAPOSLENIH LICA STARIJIH OD 45 GODINA PO PROJEKTU SESP – PIU SESER

Ugovorom potpisanim između Javne ustanove «Služba za zapošljavanje Kantona Sarajevo» Sarajevo, PIU SESER-a i Federalnog Zavoda za zapošljavanje, regulisana su prava i obaveze potpisnika kao i uslovi zapošljavanja po navedenim mjerama:

- samozapošljavanje u poljoprivredi (pokretanje samostalne poljoprivredne djelatnosti)
- samozapošljavanje u malom biznisu
- zapošljavanje kod poslodavca
- edukacija nezaposlenih osoba

Finansijskim planom predviđena sredstva za ove namjene iznose 150.000,00 KM.

III

Ukupna raspoloživa finansijska sredstva za 2007. godinu iznose 1.150.000,00 KM.

Sredstva će biti utrošena na slijedeći način:

1. Finansiranje Programa javnih radova	652.000,00 KM
3. Program sufinansiranja zapošljavanja pripravnika sa VSS,SSS i KV stručnom spremom	348.000,00 KM
4. Sufinansiranje zapošljavanja nezaposlenih lica starijih od 45 godina po Projektu SESP – PIU SESER	150.000,00 KM

UKUPNO: 1.150.000,00 KM

IV

Neutrošena novčana sredstva namijenjena za realizaciju određene podsticajne mjere, mogu se uz saglasnost Vlade Kantona Sarajevo, usmjeriti za realizaciju drugih podsticajnih mjera predviđenih stavom I, ukoliko će se na taj način uticati na održavanje veće stope zapošljavanja u Kantonu Sarajevo.

V

Kontrolu namjenskog utroška dodijeljenih sredstava kao i praćenje efekata zapošljavanja, obavljaju stručne komisije formirane u skladu sa članom 7. Zakona o

posredovanju u zapošljavanju i socijalnoj sigurnosti nezaposlenih osoba u Kantonu Sarajevo, a iste će svaka tri mjeseca sačiniti izvještaj o realizaciji sredstava i postignutim efektima zapošljavanja.